

Nr.regj. 37296/2011

REPUBLIKA E KOSOVES REPUBLIKA KOSOVA REPUBLIC OF KOSOVO	
AGJENCIA KUNDËR KORRUPSIONIT AGENCIA PRITIV KORRUPSIONE ANTI-CORRUPTION AGENCY	
Dep. Dip. Dep.	D.P
Nr. Prot. Dok. Prot. Prot. No.	03-116/2012
Nr. ifaq Broj. branka	01
Data Datum	16.01.2012

GJYKATA KOMUNALE PËR KUNDËRVAJTJE NË PRISHTINË, duke vendosur në procedurën për kundërvajtje kundër të pandehurit Rifat Krasniqi nga fshati Mamushë, Komuna Prizren, për kundërvajtje nga neni 7 paragrafi 1 e ndëshkuar me nenin 16 paragrafi 1 pika 2 të Ligjit për Deklarimin, Prejardhjen dhe Kontrollin e Pasurisë dhe Dhuratave të Zyrtarëve të lartë Publik e Pasurisë, Nr. 03/L-151, në bazë të nenit 73,74, 195,199 të Ligjit mbi Kundërvajtjet GZ KSAK 23/79, me datë 31.12.2011 merr këtë:

A K T V E N D I M

I PANDEHURI: Rifat Hysen Krasniqi, i lindur më 1910.12.1962 në Mamushë, Komuna Prizren, ku edhe tani jeton, me profesion pedagog, i punësuar si Zëvendës Ministër në Ministrinë e Administrimit të Pushtetit Lokal, i martuar, babë i katër fëmijëve, i gjendjes së mesme ekonomike,

Ë s h t ë P ë r g j e g j ë s

Sepse, si Zyrtar i Lartë Publik, në pozitë të Zëvendës Ministrit në Ministrinë e Administrimit të Pushtetit Lokal, nuk e ka deklaruar gjendjen e pasurisë në Agjencinë Kundër Korrupsion, brenda afatit ligjor prej 60 ditësh pas marrjes së detyrës në qershor të vitit 2011,

- me çka ka kryer kundërvajtje nga neni 7 paragrafi 1 e ndëshkuar me nenin 16 paragrafi 1 pika 2 të Ligjit për Deklarimin, Prejardhjen dhe Kontrollin e Pasurisë dhe Dhuratave të Zyrtarëve të lartë Publik, andaj të pandehurit për këtë kundërvajtje i shqiptohet,

D Ë N I M I

Me gjobë në shumë prej 200 € (dyqind euro) të cilën shumë i pandehuri është i obliguar ta paguaj në afat prej 15 ditësh, pasi që ky aktvendim të merr formë e prerë, në llogarinë e të hyrave gjyqësore të KGJK-së No.1000 4300 7000 0518. Pagesa bëhet në ndonjërin agjenci për mbledhjen e të hyrave-bankë, përmes urdhërpagesës së plotësuar nga Gjykata. Nëse gjobën e shqiptuar nuk e paguan në afatin e dhënë, e njëjta do të zëvendësohet me dënim burgimi në kohëzgjatje prej 13 ditësh, duke llogaritur nga 15 Euro për një ditë burgimi.

Shpenzime të procedurës nuk ka pasur, kurse në emër të paushallit gjyqësor i pandehuri është i obliguar të paguaj shumë prej 5 Euro në shërbimin e arkës së gjykatës.

Nga një kopje e këtij aktvendimi i dërgohet parashtruesit të kërkesës dhe të pandehurit

A r s y t i m

Agjencia Kundër Korrupsionit në Prishtinë, i parashtrroi kësaj gjykate Kërkesën 01-4098/11 me datë 26.10.2011 për fillimin e procedurës kundërvajtëse ndaj të pandehurit të lartshënuar për kundërvajtjen e precizuar si në dispozitiv të këtij aktvendimi, meqë i njëjti nuk e ka dorëzuar në Agjencinë kundër Korrupsion formularin mbi deklarimin e gjendjes së pasurisë brenda afatit ligjor prej 60 ditësh nga marrja e detyrës.

Në bazë të kërkesës së parashtruar, gjyqtarja filloi procedurën kundërvajtëse, mori në pyetje të pandehurin i cili në mbrojtjen e vet deklaroi se e pranon kundërvajtjen e cila i vihet në barrë duke shtuar se nuk konteston asgjë, vetëm se për shkak të angazhimeve të shumta në zyrë i kishte dalur nga mendja afati i fundit për deklarimin e pasurisë, mirëpo këtë gjë e kishte bërë me vonesë, gjatë vitit por nuk din saktë datën, siç thotë me siguri AKK disponon me të dhëna precize. Në vazhdim i pandehuri shton se nuk

Kishte pasur qenimin që ti shmanget deklaramit të pasurisë, ngase edhe më herët kishte mbajtur poste të zyrtarit të lartë edhe çdo herë e kishte bërë deklaramin e pasurisë. Kësaj deklarate gjyqtarja ia fali besimin, ngase me datë 31.12.2011 verifikoi nga zyrtari Afrim Atashi, kompetent nga divizioni për antikorrupsion në AKK, se vërtetë i pandehuri ka bërë deklaramin e pasurisë me vonesë, saktësisht me datë 01.11.2011, andaj gjyqtarja këtë fakt e konsideroi si rrethanë lehtësuese.

Nga të dhënat në kërkesë, vlerësimi i deklaratës së të pandehurit, administrimi i provave dhe shqyrtimi i shkresave të tjera të lëndës, gjyqtarja në masë të mjaftueshme vërtetoi gjendjen e plotë faktike, ekzistimin e veprës kundërvajtëse dhe përgjegjësisë së të pandehurit për këtë kundërvajtje, andaj të njëjtin e dënoi me dënimin e paraparë ligjore.

Gjatë shqiptimit të dënimit gjyqtarja pati parasysh rrethanat nga neni 7 i LK në të cilat është kryer kundërvajtja dhe duke vlerësuar masën e shkeljes sipas pozitës së zyrtarit të lartë publik si dhe personalitetin e tij, të njëjtit ia shqiptoi dënimin me gjobë të precizuar si në dispozitiv, me bindje se edhe me një gjobë të tillë do të arrihet qëllimi i ndëshkimit dhe se i pandehuri në të ardhmen do të shmanget nga kryerja e ndonjë kundërvajtjeje të tillë apo të ngjashme.

Me sa u tha më lartë u vendos si në dispozitiv të këtij aktvendimi.

U VENDOS NË GJYKATËN KOMUNALE PËR KUNDËRVAJTJE NË PRISHTINË
Nr.regj.37296/2011, datë 31.12.2011

Gjyqtarja
Suzana Cerkini

KËSHILLA JURIDIKE: Kundër këtij aktvendimi pala e pakënaqur ka të drejtë ankese në afat prej 8 ditësh pas pranimit të të njëjtit, Gjykatës së Lartë për Kundërvajtje në Prishtinë, nëpërmjet kësaj gjykate, pa taksa.